



17318

kat.komp

I

Mag. St. Dr.


P

San. Nicolai Gratitudo.

PANEG. de VITAE

Polon. 4^o

M. 1060.



C

I

A



GRATITVDO

QVAM

Magnifico & Admodum Reuerendo Domino

D. IACOBO VITELLIO

SACRÆ THEOLOGIÆ DOCTORI

& Professori, Canonico S. Floriani,

Collegij Vladislauiani Prouisori.

DVM

In Alma Vniuersitate Academiæ Cracouien.

RECTOR eiusdem Generalis publicè

renunciaretur.

M. JOANNES NICOLAVS GASIEWSKI,

Coll: Minor. Præceptori suo cecinit.

CRACOVIÆ,

Anno 1646. Die 25 Octobris^o.





DEDICATIO.

NON Ludouicus ego, Ioannes sim licet, Ecce
Ludo vices letas non Ludouicus ego.
Ludo vices letas, & ludens offero lato,
Lato qui latum Nomen & omen habet.
Ludo vices letas Tibi mi PRÆCEPTOR amenas
Quas mecum ludit lata Camena vices.
Illas illa vices Rector Tibi ludit amenas,
Que de Sincero nomen amore trahunt.
Scilicet vt viuas longos diuturnus in annos.
Has ego nunc letus carmine ludo vices.
Latus Magnifico de Præceptoris Honore
Carminē quas ludo, carmine reddo vices.
Plus cupis? Æschinis ritu me reddo Clientem.
Me reddens, Vanas non ego reddo vices.
Socratica fuerant hæc dulcia munera menti,
Hæc quoq; ne miti mente repelle Precor.
Suscipias Jacobe tui Joannis Amorem
Et sis Joanni Gratia grata

P R E C O R.

17318I



GRATITUDO.

PROCEDE FELIX DVX ACADEMIÆ,
O mens, VITELLI, O Vis mera TVLLII;

Es namq; dignus quem ministræ
Discipulæq; sequantur vmbra.

Procede felix; dignus Apollinis
Vehi corusco laudis in effedo,
Quo vel Platonis Dia Vena,
Quo vel Aristotelis triumphat.

Procede felix altiùs altiùs
Non hic quiescat fortior impetus
Potens tueri sparsa Regni
Lumina lumine curioso.

Asturge promptum vulgus Apollinis
En monstro vestris fontibus hospitem,
Et frontibus plenum Minerva
Nectare Sydereoq; plenum.

Huic liberali nec tremula manu,
Cum Rex Stagira laudis adoream,
Cum scepra donauit benignè
Thessalicum prope cæsa Pindum.

Nunc Rector altæ Sedis, & Arbiter
RECTORIS illum cinxit adorea
Latèq; virtutis videndum
Expofuit populis nitorem.

O quam quietum cuncta silentium
Rupère nuper? Pennigeri reor
Mulcent lyras, gaudendo nostris
Crescere Temporibus IACOBOS.

Magnos IACOBOS, hosq; VITELLIOS
Pares disertis Numine Tullijs,

Quorum decus claræ nitentem
Sarmatiæ peragrabit Orbem.

Quos per labores altiùs altiùs
Sinet virescens scandere Gloria.

Quæis nobilis cælo propinquos
Laus super orbe struet Colossos,

PROCEDE FELIX DVX ACADEMIÆ,
O mens VITELLI, ô Vis mera TVLLII

Procede, Quis nollet sub istis
Plausibus ingeminare plausus.

Audisne? celsum quanta sub ætherem

Tibi parantur gaudia, gaudia,

Lyræq; strident, & susurrant

Cum lituis citharisq; buxi?

Orpheûsne nostas rursus adit plagas

Aut quis suavi Vate suavior,

Vt & Cupressi Te sequantur

Ceu comites Socijq; montes.

Rursumne Arion mulcet eburneam

Siticuloso barbiton in mari,

Aucturus hunc nobis triumphum

Remigibus natitando squamis.

Quis quis canoram barbiton instruis,

Huic quæso gratam barbiton eleua;

Cûi mallet Orpheûs, quam sequaci

Fundere dulce melos cohorti.

Non

Non mallet? Quis salientibus
Placere cantu vult mage cautibus?
Is qui Iuporum, quam Bonorum
Ora Virum, faciemq; mauult.
Iam credis ergo? Credito quod mage,
Orpheusne amicus Thrax mage Montibus,
Cum quo fauentes ambulabant
Ceui Comites Famuliue Montes?
Et Te sequantur ceui iuga Montium
Posthac Honorum culmina plurium,
Ad qua Labor, Virtus Te & Oris
Tullius ipse parauit humor.,
Sequatur IO quicquid ad altius
Potest Honoris cedere praemium,
Sequatur IO quod fouendam
Continuare potest Salutem.,

PROCEDE FELIX DVX ACADEMIÆ,
O mens VITELLI, O Vis mera TVLLII;
Es namq; dignus quem Camæna
Discipulaq; vehant quadrigæ.
Procede felix, suscipiens tamen
Prægrande lætus pondus adorea
Hanc dignitatem dignitatum,
Esse putans citius Parentem.,
Qua sorte Nestor, quaq; alij Viri
Vsi videbant Secula Secula.,
Hac vsus & Tu vel coæques
Nestoris exuperes vel annos?.

Vt mille lætus Solis agas Dies,
Honore crescens altiùs altiùs,
Non farre placabo, nec horna,
Fruge DEVM, placido nec Auro.
Quos ampliori Sors opulentia,
Gazisq; cinxit diuitis India,
Hi fulua pro te dent metalla,
Dent Tagicas, Arabumq; merces.
Ego frequentes Syderibus preces
Nascente promam Solis origine.
Nam sumptuosas ex egena,
Traxit opes mihi Numen arca.
Ego canoram barbiton instruam,
Vt det coactis eloquium sonis
Vt læta possit pro triumpho
Barbitos hæc cecinisse verba.

PROCEDE FELIX DVX ACADEMIÆ,
O mens VITELLI o Vis mera TVLLII;
Es namq; dignus quem ministræ
Discipulæq; vehant Camænæ.

IO FELIX.

VIX Tibi RECTOR veniunt Honores,
En ego lætum fero primus IO
Ergo Graiorum Sophe profer IO
Tu quoq; Prime.
Cum Patrum Te fert Pater esse Patrem,
En ego faustum loquor imus IO,
Ergo Graiorum Sophe profer IO
Tuq; Secunde.

Cumq; Doctores Tibi fausta dicunt,
En ego faustum loquor imus IO,
Ergo Graiorum Sophe profer IO
Tertie tuq;

Cum Sacerdotes Tibi gratulantur.,
En ego latum loquor imus IO,
Ergo Graiorum Sophe profer IO
Tu quoq; Quarte.

Cumq; Collegæ venerantur vnum.,
En ego latum loquor imus IO,
Ergo Graiorum Sophe profer IO
Tu quoq; Quinte.

Cum Senatus Te iuuenum Salutat,
En ego latum loquor imus IO,
Ergo Graiorum Sophe profer IO
Tu quoq; Sexte.

Terna cum Matris Tibi Sceptra dantur.,
En ego latum loquor imus IO,
Ergo Graiorum Sophe profer IO
Septime Tuq;

Quinq; post Septem reticebis IO,
Post Sophos Septem, Sophus esto primus.
Post Bonos, primus, bonus, Optimusq;
Esto malorum.

Faustus vt viuas & in hoc honore
En ego raucum fero primus IO,
Prime Graiorum Sophe non pigrescas
Ferretter IO.

GRATVLATIO.

VT comes est umbrae semper. Phœbeia lampas
Rursum Phœbeia lampadis umbra Comes:
Inclita sic virtus magnum comitatur honorem
Et sic virtutem concomitatur Honor.
Hoc in honore probas RECTOR, nam cinctus honore
Tu Virtutis Onus, Te comitatur honor.
Ut felix venias ad plures RECTOR honores
Quæ das vota Deo, sint tibi Vota, ROTA.

APPRECIATIO.

Alter & alter honos inuito cum Tibi fertur
Dicam, fertur honos alter & alter, Onus.
Alter & alter onus cum dico, fors male dico:
Parcite Grammatici, dico quod alter Onus.
Masculei generis vires onus omne reposcit,
Masculei generis sic sit honoris Onus.
Alter & alter Honos ut non onus, at sit honori,
Sitq; Tuo decori, do, fero vota Deo.
Do fero vota Deo plures ut dentur honores
Hoc precor, & sit honor non onus, ad quid? HONOS.

ACCLAMATIO.

VT tendis precibus geminas sub Sydera palmas,
Sic Tua Te virtus Laus super astra VEHAT.
Viq; colis Musas habitantes Montibus altis,
Fama Tuum Nomen sic super astra VEHAT.
Dexteritate Tuâ sicut modo multa virescunt
Sic Tu Multorum dexteritate


V I R E.

JN STEMMA ALMÆ ACADEMIÆ



Cum Tibi redduntur toties hæc Sceptra VITELLI,
Redduntur toties hæc duo Sceptra, Cruces.
In Cruce Sceptra manent, retinent onus hoc in honore.
Rector adest, sed vix non crucifixus adest.
Regia sed res est Regalia sceptra tenere.
Regia, at in Crucibus res habet ista Cruces.
Non mirum, fugiunt quidam quòd regia Sceptra.
Namq; graues Scepri sunt in Honore Cruces.

JOANNES SARTAWSKI
Eloquentiæ in Coll: Vladislauiano
Auditor.



Biblioteka Jagiellońska



stdr0009149

